



অবিলম্বে প্রকাশের উদ্দেশ্যে: 12/10/2023

গভর্নর ক্যাথি হোকল

গভর্নর হোকল নিউ ইয়র্কবাসীদেরকে প্রস্তুত থাকার জন্য অনুরোধ করেছেন কারণ বড় ঝড়টি রাজ্যের শহরতলিতে প্রবল বৃষ্টি এবং প্রবল বাতাস বয়ে আনে এবং অপসটেটে প্রবল, ভেজা তুষারপাত আনে

লং আইল্যান্ড, নিউ ইয়র্ক সিটি, এবং নিম্ন মিড-হাডসন অঞ্চলে কয়েক ইঞ্চির বৃষ্টিপাত এবং প্রবল বাতাস দেখা যায় যা বন্যা এবং বিদ্যুৎ বিভ্রাটের কারণ হতে পারে

নর্থ কান্ট্রি, মোহক ভ্যালি, সেন্ট্রাল নিউ ইয়র্ক, ক্যাপিটাল ডিস্ট্রিক্ট এবং উচ্চ মিড-হাডসন অঞ্চলগুলি রাতারাতি ভারী, ভেজা তুষারপাত দেখতে পারে যা সোমবার সকালে ভ্রমণকে প্রভাবিত করবে এবং বিদ্যুৎ বিভ্রাটের কারণ হতে পারে

নিউ ইয়র্কবাসীদের আপডেট করা আবহাওয়ার পূর্বাভাসগুলিতে মনোযোগ দিতে এবং সেই অনুযায়ী ভ্রমণ ও অন্যান্য ক্রিয়াকলাপগুলির পরিকল্পনা করার জন্য উৎসাহিত করা হয়েছে

গভর্নর ক্যাথি হোকল আজ নিউ ইয়র্কবাসীদের প্রস্তুত থাকতে অনুরোধ করেছেন কারণ একটি বৃহৎ ঝড় রাজ্যের বেশিরভাগ অংশ জুড়ে বিদ্যুৎ বিভ্রাটের কারণ হতে পারে এবং সোমবার সকালের যাতায়াতের সময় কিছু জায়গায় কঠিন ভ্রমণের পরিস্থিতি তৈরি করতে পারে। লং আইল্যান্ড, নিউ ইয়র্ক সিটি, এবং নিম্ন মিড-হাডসন অঞ্চলগুলি সহ শহরতলির এলাকাগুলি কয়েক ইঞ্চির বৃষ্টিপাত এবং প্রবল বাতাস দেখতে পারে যা বন্যা এবং বিদ্যুৎ বিভ্রাটের কারণ হতে পারে। নর্থ কান্ট্রি, মোহক ভ্যালি, সেন্ট্রাল নিউ ইয়র্ক, ক্যাপিটাল ডিস্ট্রিক্ট এবং উচ্চ মিড-হাডসন অঞ্চলের এলাকাগুলি সহ আরও আপসটেটে বৃষ্টি ভেজা ভারী তুষারপাতে রাতারাতি রূপান্তরিত হবে, যা সোমবার সকালের যাতায়াতের সময় কঠিন ভ্রমণের পরিস্থিতি তৈরি করতে পারে এবং বিদ্যুৎ বিভ্রাটের কারণ হতে পারে। নিউ ইয়র্কবাসীদের সারা রাত এবং আগামীকাল আবহাওয়ার পূর্বাভাসের প্রতি গভীর মনোযোগ দেওয়া উচিত এবং সেই অনুযায়ী ভ্রমণ ও অন্যান্য কার্যক্রমের পরিকল্পনা করা উচিত।

"এই সিস্টেমটি নিউ ইয়র্কের শহরতলি অঞ্চলে প্রবল বৃষ্টি এবং প্রবল বাতাস বয়ে আনবে অপসটেটে আজ রাতে এবং আগামীকাল তুষারপাত এবং বাতাস বইবার সময়," **গভর্নর হোকল বলেছেন।** "আমরা এই আবহাওয়ার ব্যবস্থার প্রভাবগুলি পর্যবেক্ষণ করতে থাকব এবং রাজ্যের এজেন্সিগুলি সহায়তার জন্য অনুরোধের প্রতিক্রিয়া জানাতে প্রস্তুত আছে। আমি সকল নিউ ইয়র্কবাসীদের আবহাওয়ার দিকে নজর রাখতে এবং নিরাপদে থাকার জন্য আপডেট করা

পূর্বাভাসগুলি সহ আপনার ভ্রমণ এবং কার্যকলাপগুলির পরিকল্পনা করার জন্য অনুরোধ করছি, বিশেষ করে আগামীকাল সকালের যাতায়াতের সময়।”

রবিবার থেকে শুরু করে সোমবার পর্যন্ত নিউ ইয়র্ক সিটি এবং লং আইল্যান্ড জুড়ে তিন ইঞ্চি পর্যন্ত বৃষ্টির সম্ভাবনা রয়েছে এবং পূর্ব লং আইল্যান্ড জুড়ে পাঁচ ইঞ্চি পর্যন্ত বৃষ্টি হতে পারে। সাফোক কাউন্টির কিছু অংশে আজ রাতে 60 মাইল প্রতি ঘণ্টা বেগে বাতাস বইতে পারে, যা পড়ে যাওয়া গাছ এবং তারের কারণে বিদ্যুৎ বিভ্রাটের কারণ ঘটতে পারে নিউ ইয়র্ক সিটি এবং নাসাউ কাউন্টির কিছু অংশে 50 মাইল প্রতি ঘণ্টা বেগে বাতাস বইতে পারার সময়। আজ সন্ধ্যায়, নর্থ কান্ট্রি, মোহক ভ্যালি, সেন্ট্রাল নিউ ইয়র্ক, ক্যাপিটাল ডিস্ট্রিক্ট এবং মিড-হাডসন ভ্যালির অঞ্চলে ভারী, ভেজা তুষারপাতে বৃষ্টির রূপান্তর দেখা যাবে অ্যাডিরনড্যাকস, ক্যাটস্কিলস এবং টাগ হিল সহ সর্বাধিক উচ্চতায় প্রত্যাশিত এক ফুট বা তার বেশি তুষারপাত এবং কিছু নিম্ন উচ্চতার এলাকায় ছয় ইঞ্চি পর্যন্ত তুষারপাত হতে পারে। রাজ্যব্যাপী 35 মাইল প্রতি ঘণ্টা পর্যন্ত বাতাসের দমকা হতে পারে, যা অতিরিক্ত, বিচ্ছিন্ন বিদ্যুৎ বিভ্রাটের কারণ হতে পারে।

আবহাওয়া সতর্কতা ও পূর্বাভাসের সম্পূর্ণ তালিকা দেখার জন্য ন্যাশনাল ওয়েদার সার্ভিস (National Weather Service) ওয়েবসাইট <https://alerts.weather.gov> পরিদর্শন করুন। নিউ ইয়র্কবাসীদের <https://alert.ny.gov>-এ NY অ্যালার্টে সাবস্ক্রাইব করে জরুরি সতর্কতার জন্য সাইন আপ করতে উৎসাহিত করা হচ্ছে, এটি একটি বিনামূল্যের পরিষেবা যা আপনার সেল ফোন বা কম্পিউটারে অতি গুরুত্বপূর্ণ জরুরি তথ্য প্রদান করে।

এজেন্সির প্রস্তুতি

নিউ ইয়র্ক স্টেট স্বদেশ নিরাপত্তা ও জরুরি সেবা বিভাগ

বিভাগটি সক্রিয়ভাবে আবহাওয়ার পূর্বাভাস পর্যবেক্ষণ করছে এবং আবহাওয়ার ইভেন্টে স্টেটের প্রতিক্রিয়া সমন্বয় করছে। অফিস অব ইমার্জেন্সি ম্যানেজমেন্টের (Office of Emergency Management) কর্মীরা স্থানীয় সহকর্মীদের সঙ্গে যোগাযোগ রক্ষা করছে এবং সহায়তার অনুরোধে সাড়া দেওয়ার ব্যবস্থা করতে প্রস্তুত রয়েছে।

এই ডিভিশন প্রয়োজন হলে স্টেটের মজুদ থেকে নিম্নলিখিত সম্পদ ও আশ্রয়কেন্দ্রের সাপ্লাই মোতায়ন করার জন্য প্রস্তুত রয়েছে:

- 1,515টি জেনারেটর
- 536টি চেইন-স
- 954টি বহনযোগ্য হিটার
- 48,636টি রেডি টু ইট মিল (Meals Ready-To-Eat, MRE)
- 345,432 বোতল এবং ক্যান পানি
- 7,877টি চৌকি
- 8,149টি কব্বল
- 11,220টি বালিশ

নিউ ইয়র্ক স্টেট পরিবহন বিভাগ (New York State Department of Transportation)

স্টেট পরিবহন বিভাগ রাজ্যব্যাপী উপলব্ধ 3,650জন সুপারভাইজার এবং অপারেটরদের সাথে সাড়াদান করতে প্রস্তুত। প্রয়োজনীয় যেকোনো ধরনের সাড়াদানকারী কর্মী হিসেবে কর্মীদেরকে

নিয়োজিত করা যাবে (প্লাউ, ড্রেনেজ, চিপার, লোড করা ও টানা, কাটা ও ছুড়ে ফেলা, ইত্যাদি)। পাশাপাশি, এই ঘটনার সাড়াদানের জন্য 75 জন ঘটনা কমান্ড ব্যবস্থা (Incident Command System, ICS) কর্মী উপলভ্য থাকবে। ঘটনাটি জুড়ে কর্মীদের মোতায়েনের প্রয়োজনীয়তা ক্রমাগত পুনঃমূল্যায়ন করা হবে। সমস্ত রেসিডেন্সি অবস্থানগুলি ঘটনার সময়কাল জুড়ে 24/7 অপারেশনের জন্য কর্মী সরবরাহ করা হবে এবং অগ্রাধিকারমূলক ক্লিনআপের অপারেশন এবং সমস্ত সরঞ্জাম মোতায়েনের জন্য প্রস্তুত। ক্ষতিগ্রস্ত এলাকাগুলির সকল ফ্লিট মেকানিক্স প্রধান আবাসনের এলাকাগুলিতে মেরামত ও ট্রাক চলাচল স্বাভাবিক রাখতে 24/7 কর্মীদের প্রস্তুত রাখবে।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 1619টি বড় প্লাউ ট্রাক
- 154টি মিডিয়াম ডিউটি প্লাউ
- 51টি টো প্লাও
- 336টি বৃহৎ লোডার
- 37টি স্নো ব্লোয়ার

NYS পার্কস ক্ষতিগ্রস্ত এলাকাগুলিতে কাটা এবং ছুড়ে ফেলার মিশনের জন্য মোট আটটি (8) সয্যার ক্রুকে চিহ্নিত করেছে। নিম্নলিখিত এলাকাগুলিতে ক্রুগুলি রয়েছে: ক্যাটারাউগাস, ডাচেস, জেফারসন, ন্যায়াগ্রা, ওসওয়েগো, সারাটোগা, স্টিউবেন, টম্পকিনস এবং ওয়াইওমিং। ক্রুগুলি প্রস্তুত আছে রবিবার থেকে সোমবার পর্যন্ত।

তাৎক্ষণিক ভ্রমণ তথ্য জানার জন্য মোটর চালকগণ **511** নম্বরে কল করতে পারেন অথবা <https://www.511ny.org> বা মোবাইল সাইট m.511ny.org ভিজিট করতে পারেন, যা নিউ ইয়র্ক স্টেটের সরকারি ট্রাফিক এবং ভ্রমণ সংক্রান্ত তথ্য কেন্দ্র।

থ্রুওয়ে কর্তৃপক্ষ

থ্রুওয়ে কর্তৃপক্ষের কর্মীরা নিবিড়ভাবে আবহাওয়ার পূর্বাভাস পর্যবেক্ষণ করছে এবং পুরো সিস্টেমজুড়ে সক্রিয়ভাবে ঝড়ের ড্রেইন পরিদর্শন করছে, যেকোনো বায়ু, বন্যা বা আবহাওয়া সম্পর্কিত সমস্যা সাড়াদান করার জন্য সরঞ্জাম প্রস্তুত রাখা নিশ্চিত করছে, এবং সেই সাথে ভারী বৃষ্টিপাতের আশঙ্কা রয়েছে এমন এলাকাসমূহে রক স্লোপ পরীক্ষা করে দেখছে। থ্রুওয়ে কর্তৃপক্ষ 687 জন অপারেটর এবং সুপারভাইজার নিয়ে সাড়াদানের জন্য প্রস্তুত আছে। স্টেটব্যাপী সরঞ্জামের সংখ্যা ও সংস্থানসমূহের তালিকা নিচে দেওয়া হলো:

- 349টি বৃহৎ ও মিডিয়াম ডিউটি প্লাউ ট্রাক
- 11টি টো প্লাও
- 66টি লোডার
- 128,000 টনের বেশি লবণ প্রস্তুত

থ্রুওয়েতে মোটরচালকদেরকে শীতকালীন আবহাওয়ার অবস্থা সম্পর্কে সতর্ক করতে বিভিন্ন ধরনের মেসেজ সাইন ও সোশ্যাল মিডিয়া ব্যবহার করা হয়।

থ্রুওয়ে অথোরিটি মোটরচালকদের তাদের মোবাইল অ্যাপ ডাউনলোড করতে উৎসাহিত করে যা আইফোন এবং অ্যান্ড্রয়েড ডিভাইসে ডাউনলোডের জন্য বিনামূল্যে উপলভ্য। অ্যাপটি চলার পথে মোটরযান চালকদের রিয়েল-টাইম ট্রাফিক সম্পর্কে তথ্য, লাইভ ট্রাফিক ক্যামেরা, ও দিক-নির্দেশনা সংক্রান্ত সহায়তা প্রদান করে। এছাড়াও থ্রুওয়ে সংলগ্ন যানবাহনের সর্বশেষ অবস্থা সম্পর্কে তথ্যের জন্য মোটর চালকরা ট্রান্সঅ্যালার্ট ই-মেইলগুলির জন্য সাইন-আপ করতে পারেন এবং X-এ @ThruwayTraffic-কে ফলো করতে পারেন।

নিউ ইয়র্ক স্টেট পাবলিক সার্ভিস ডিপার্টমেন্ট

জনসেবা বিভাগের দ্বারা নিয়ন্ত্রিত ইউটিলিটি কোম্পানিগুলোতে শীতকালীন আবহাওয়ার ব্যবস্থায় মেরামত ও পুনরুদ্ধার কাজে অংশ নেওয়ার জন্য স্টেটব্যাপী আনুমানিক 6,500জন কর্মী উপলব্ধ রয়েছেন, যাদের মধ্যে রয়েছেন NYSEG দ্বারা ঠিক করা 750জন অতিরিক্ত কর্মী এবং আনুমানিক ন্যাশনাল গ্রিড দ্বারা ঠিক করা 250জন কর্মী।

DPS-এর কর্মীরা পুরো সময়জুড়ে ইউটিলিটি কার্যক্রমের ট্র্যাক রাখবে এবং সবচেয়ে বেশি প্রভাবিত হওয়া এলাকাগুলোতে ইউটিলিটি কোম্পানিগুলোর যথাযথ কর্মী নিয়োগের বিষয়টি নিশ্চিত করবে। যদি আপনার পরিষেবা বিঘ্নিত হয়, তাহলে পরামর্শের জন্য DPS-এর ইউটিলিটি পরিষেবা বিঘ্নিত হওয়া সম্পর্কিত [ওয়েবসাইট](#) ভিজিট করুন।

নিউ ইয়র্ক স্টেট পুলিশ (New York State Police)

স্টেট পুলিশ (State Police) আবহাওয়ার অবস্থা পর্যবেক্ষণ করছে এবং প্রয়োজন অনুযায়ী অতিরিক্ত ট্রুপার মোতায়েন করতে প্রস্তুত রয়েছে। স্টেট পুলিশের সব চার-চাকার যান এবং বিশেষায়িত যানবাহন অবিলম্বে সাড়া দানের জন্য প্রস্তুত রয়েছে, এবং সকল জরুরি বিদ্যুৎ ও যোগাযোগের সরঞ্জাম পরীক্ষা করা হয়েছে।

নিউ ইয়র্ক স্টেটের পরিবেশ সংরক্ষণ বিভাগ (New York State Department of Environmental Conservation, DEC)

DEC জরুরি অবস্থার ব্যবস্থাপনা কর্মী, পরিবেশ সংরক্ষণ পুলিশ অফিসার, ফরেস্ট রেঞ্জার্স এবং আঞ্চলিক কর্মীরা সতর্ক আছে এবং আবহাওয়ায় পরিস্থিতির পর্যবেক্ষণ করছে। যেকোনো জরুরি সাড়া প্রদানের ক্ষেত্রে সহায়তা করার জন্য লভ্য সব সম্পদ যথাস্থানে নিয়োজিত রয়েছে।

পার্ক, বিনোদন এবং ঐতিহাসিক সংরক্ষণের নিউ ইয়র্ক স্টেট অফিস

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। প্রতিক্রিয়া সরঞ্জাম জ্বালানীকৃত, পরীক্ষিত এবং ঝড় মোকাবেলায় ব্যবহারের জন্য প্রস্তুত করা হচ্ছে। পার্কে গমনকারীদের <https://parks.ny.gov> চেক করা উচিত অথবা পার্কের সময়, খোলা ও বন্ধের ব্যাপারে সর্বশেষ আপডেটগুলির জন্য তাদের স্থানীয় পার্কের অফিসে কল করা উচিত।

মেট্রোপলিটান ট্রান্সপোর্টেশন অথোরিটি (Metropolitan Transportation Authority)

মেট্রোপলিটান ট্রান্সপোর্টেশন অথোরিটি (Metropolitan Transportation Authority, MTA) নিরাপদ, নির্ভরযোগ্য সেবা নিশ্চিত করতে নিবিড়ভাবে আবহাওয়ার অবস্থা পর্যবেক্ষণ করছে। MTA কর্মীদের যেকোনো আবহাওয়া সম্পর্কিত সমস্যায় সাড়া দান বা ট্র্যাকের উপর ভেঙ্গে পড়া যেকোনো গাছ সরাতে প্রস্তুত থাকবে।

উচ্চ বাতাসের পূর্বাভাসের কারণে, MTA ব্রিজ এবং টানেলগুলো রবিবার সন্ধ্যা 6:00টা থেকে খালি ট্র্যাক্টর-ট্রেলার এবং ট্যান্ডেম (পিগিব্যাক, ডুয়াল, ট্রিপল ইত্যাদি) ট্রাকগুলোতে নমনীয় নিষেধাজ্ঞা কার্যকর করবে। বর্তমান পূর্বাভাস এবং এই আবহাওয়ার ইভেন্টের সামগ্রিক সময়ের উপর ভিত্তি করে, অনুমান করা হচ্ছে যে সোমবার সকাল 6:00টা পর্যন্ত এই নমনীয় নিষেধাজ্ঞা বলবৎ থাকবে।

নমনীয় নিষেধাজ্ঞার পাশাপাশি ক্রস বে ভেটেরান্স মেমোরিয়াল এবং মেরিন পার্কওয়ে সেতুতে পথচারীদের ওয়াকওয়ে এই সময়ের মধ্যে বন্ধ থাকবে। রবার্ট এফ. কেনেডি ও হেনরি হাডসন ব্রিজের পথচারী ওয়াকওয়েগুলো খোলা থাকবে তবে পরিস্থিতি অনুসারে প্রয়োজন হলে বন্ধ হয়ে যাবে।

গ্রাহকদের পরিষেবার সর্বশেষ আপডেট জানতে <https://new.mta.info> চেক করার জন্য উৎসাহ দেওয়া হয়

এবং সিস্টেম ব্যবহারের সময়ে সতর্কতা অবলম্বনের জন্য উৎসাহিত করা হচ্ছে। গ্রাহকদের টেক্সট বা ইমেইলের মাধ্যম রিয়েল টাইম সার্ভিস অ্যালার্টের জন্য সাইন আপ করা উচিত। MTA-এর অ্যাপগুলির মাধ্যমেও এই সতর্কতা পাওয়া যায়: MYmta এবং TrainTime।

বন্দর কর্তৃপক্ষ (Port Authority)

বন্দর কর্তৃপক্ষ (Port Authority) তার সকল স্থাপনা জুড়ে আবহাওয়া পরিস্থিতি পর্যবেক্ষণ করে। গুরুতর আবহাওয়ার ক্ষেত্রে, সংস্থাটি প্রয়োজন অনুসারে নিয়মিত ভ্রমণ সতর্কতা এবং আপডেট জারি করে। পোর্ট অথরিটির ফ্যাসিলিটিগুলো সম্পর্কে সর্বশেষ তথ্যের জন্য, অনুগ্রহ করে সোশ্যাল মিডিয়া চেক করুন, [PA অ্যালার্ট](#) এর জন্য সাইন-আপ করুন অথবা PA মোবাইল অ্যাপগুলির মধ্যে একটি ডাউনলোড করুন, যেমন [RidePATH](#) যেটি পাথ (PATH) সার্ভিসের জন্য রিয়েল-টাইম আপডেট ও অ্যালার্ট প্রদান করে।

নিরাপত্তা সংক্রান্ত পরামর্শ

চলাচল:

নিরাপদে গাড়ি চালানোর জন্য কিছু গুরুত্বপূর্ণ পরামর্শের মধ্যে রয়েছে:

- প্রয়োজন না হলে গাড়ি চালাবেন না।
- যদি আপনাকে ভ্রমণ করতেই হয়, আপনার গাড়িতে জীবন-রক্ষাকারী সরঞ্জাম যেমন কঞ্চল, বেলচা, ফ্ল্যাশলাইট ও বাড়তি ব্যাটারি, বাড়তি গরম পোশাক, টায়ার চেইনের সেট, ব্যাটারির বুস্টার ক্যাবল, দ্রুত শক্তিদায়ক খাবার এবং বিপদ সংকেত দেয়ার জন্য ব্যবহারের উদ্দেশ্যে উজ্জ্বল রঙের কাপড়ের টুকরা রয়েছে তা নিশ্চিত করুন।
- যদি আপনার ব্যবহারের জন্য অন্যান্য যোগাযোগের ডিভাইস যেমন সেল ফোন অথবা টু-ওয়ে রেডিও থাকে, তাহলে ব্যাটারিতে চার্জ দিয়ে রাখুন এবং ভ্রমণের সময় সেটি আপনার সঙ্গে রাখুন। যদি আপনি হারিয়ে যান, সাহায্যের জন্য কল করে উদ্ধারকারীদেরকে আপনার লোকেশন জানাতে পারবেন।
- শীতকালীন সময়ে মৃত্যু ও আঘাতপ্রাপ্তির শীর্ষ কারণ হলো পরিবহনজনিত দুর্ঘটনা। গাড়িতে চলাচল করার আগে আপনার যানবাহন বরফ ও তুষার থেকে মুক্ত আছে তা নিশ্চিত করে নিন; ভালোভাবে দৃষ্টিগোচর হওয়াটা ভালোভাবে গাড়ি চালানোর মূল

চাষিকারি। আপনার থামার স্থানগুলো সম্পর্কে পরিকল্পনা করে রাখুন এবং গাড়িগুলোর মধ্যে আরো বেশি দূরত্ব রাখুন। অতিরিক্ত সতর্ক থাকুন এবং মনে রাখবেন যে তুষারকণা ছোট শিশুদেরকে আড়াল করে দিতে পারে। সবসময় সড়ক ও আবহাওয়ার অবস্থার সঙ্গে আপনার গতির মিল রাখুন।

- সকল সড়কে চলাচলকারী গাড়ি চালকদের জন্য এটি জেনে রাখা গুরুত্বপূর্ণ যে স্নো-প্লাউগুলো ঘণ্টায় 35 মাইল গতিবেগে চলাচল করে, যা বহু ক্ষেত্রেই পোস্ট করা গতিসীমার চেয়ে কম হয়ে থাকে, যাতে ছিটিয়ে দেয়া লবণগুলো ড্রাইভিং লেনের মধ্যেই থাকে এবং সড়কপথের বাইরে ছিটকে না পড়ে। প্রায় ক্ষেত্রেই ইন্টারস্টেট হাইওয়েগুলোতে স্নো-প্লাউগুলো পাশাপাশি অবস্থান করে কাজ করে থাকে, কারণ এতে একাধিক লেন সর্বাধিক কার্যকর ও নিরাপদ উপায়ে পরিষ্কার করা যায়।
- গাড়ি চালক ও পথচারীদেরকেও খেয়াল রাখতে হবে যে স্নো-প্লাউ চালকদের দৃষ্টিগোচরতা সীমিত থাকে, এবং স্নো-প্লাউ এর আকার ও ওজন সেটিকে দ্রুত সরানো ও বন্ধ করা কঠিন করে তুলতে পারে। তুষার-অপসারণ-যন্ত্রের পেছন থেকে বরফ ওড়ানো এর চালকদের দৃষ্টিশক্তি মারাত্মকভাবে হ্রাস করতে বা হোয়াইটআউট অবস্থার কারণ ঘটতে পারে। গাড়িচালকদের তুষার-অপসারণ-যন্ত্রকে পাশ কাটিয়ে যাওয়ার চেষ্টা করা বা পেছন-পেছন যাওয়া অথবা খুব কাছাকাছি যাওয়া উচিত নয়। গাড়ি চালকদের জন্য গাড়ি চালানোর জন্য সবচেয়ে নিরাপদ জায়গা হলো স্নো-প্লাউ এর বেশ পিছনে যেখানে সড়কপথ পরিষ্কার হয়েছে ও লবণ ছিটানো হয়েছে। কখনো কোনো স্নোপ্লাউ চালু অবস্থায় এটির সামনে দিয়ে অতিক্রম করার চেষ্টা করবেন না।

বিদ্যুৎ বিভ্রাট

- এলাকাভিত্তিক মেরামতের সময়সূচি জানতে আপনার ইউটিলিটির কাছে যাচাই করুন।
- পরিষেবা ফিরে আসার সময় সার্কিট ওভারলোড হওয়া রোধ করতে লাইট ও অ্যাপ্লায়েন্সগুলো বন্ধ রাখুন বা প্লাগ খুলে রাখুন; কখন বিদ্যুৎ ফিরে আসছে তা জানার জন্য একটি বাতি চালু রাখুন।
- যদি শীতকালীন ঝড়ের সময়ে হিটিং চলে যায়, তাহলে আপনার যেসব কক্ষ প্রয়োজন নেই সেগুলো বন্ধ করে দেওয়ার মাধ্যমে উষ্ণতা ধরে রাখুন।
- বিদ্যুৎ বিভ্রাট রিপোর্ট করতে, ফোন করুন:
 - সেন্ট্রাল হাডসন: [800-527-2714](tel:800-527-2714)
 - কন এডিসন: [800-752-6633](tel:800-752-6633)
 - ন্যাশনাল গ্রিড: [800-867-5222](tel:800-867-5222)
 - NYSEG: [800-572-1131](tel:800-572-1131)
 - O&R: [877-434-4100](tel:877-434-4100)
 - PSEG-LI: [800-490-0075](tel:800-490-0075)
 - RG&E: [800-743-1701](tel:800-743-1701)

হিটিং সংক্রান্ত সতর্কতা

- বিকল্প তাপের জন্য শুধু নিরাপদ উৎস যেমন ফায়ারপ্লেস, ছোট আকারের ভালো ভেন্টযুক্ত কাঠের বা কয়লার চুলা বা পোর্টেবল স্পেস হিটার ব্যবহার করুন।
- বিকল্প তাপের উৎস যেমন ফায়ারপ্লেস, উডস্টোভ, ইত্যাদি ব্যবহার করার সময় সবসময় যথাযথ ভেন্টিলেশন রয়েছে তা নিশ্চিত করুন। সবসময় প্রস্তুতকারকের নির্দেশনা মেনে চলুন।

- পর্দা, তোয়ালে এবং পটহোল্ডারগুলোকে উত্তপ্ত পৃষ্ঠতল থেকে দূরে রাখুন।
- একটি অগ্নি নির্বাপক যন্ত্র এবং স্মোক ডিটেক্টর রাখুন এবং সেগুলো কাজ করছে তা নিশ্চিত করুন।
- যদি আপনি আপনার হিটিং-এর নিয়মিত জ্বালানির সম্পূরক হিসেবে, অথবা জরুরি পরিস্থিতিতে তাপের উৎস হিসেবে কেরোসিন হিটার ব্যবহার করেন, তাহলে নিম্নলিখিত নিরাপত্তা সংক্রান্ত পরামর্শ অনুসরণ করুন:
 - উৎপাদকের নির্দেশনা অনুসরণ কর।
 - আপনার ইউনিটের জন্য শুধু সঠিক জ্বালানি ব্যবহার করুন।
 - শুধু ঘরের বাইরে এবং শুধুমাত্র যখন ইউনিটটি ঠাণ্ডা থাকে তখন পুনরায় জ্বালানি ভর্তি করুন।
 - হিটারকে আসবাবপত্র এবং অন্যান্য দাহ্য বস্তু থেকে কমপক্ষে তিন ফুট দূরে রাখুন।
 - হিটার ব্যবহার করার সময়, আগুন থেকে সুরক্ষার পদক্ষেপসমূহ এবং ভেন্টিলেশন যথাযথভাবে ব্যবহার করুন।

শীতকালীন নিরাপত্তা সংক্রান্ত আরো পরামর্শের জন্য <https://dhses.ny.gov/safety>-এ যান। নিউ ইয়র্ক স্টেটে ঝড়ের আগে, ঝড় চলাকালীন অথবা ঝড়ের পরে জরুরি নয় এমন পরিষেবার প্রয়োজনগুলো পূরণ করতে 211 নম্বরে ফোন করুন অথবা 211nys.org-এ যান।

ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস সম্পর্কে
[ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস](#) (Division of Homeland Security and Emergency Services, DHSSES) এর ডিভিশন বিপর্যয় এবং অন্যান্য জরুরি পরিস্থিতি প্রতিরোধ, সুরক্ষা, প্রস্তুতি, প্রতিক্রিয়া, পুনরুদ্ধার এবং প্রশমিত করার জন্য নেতৃত্ব, সমন্বয় এবং সহায়তা প্রদান করে থাকে। আরো বেশি তথ্যের জন্য ফেসবুকে, ইন্সট্রগ্রাম এবং X (পূর্বে Twitter হিসেবে পরিচিত)-এ @NYS DHSSES -কে ফলো করুন অথবা ভিজিট করুন dhses.ny.gov।

###

আরো সংবাদ এখানে পাওয়া যাবে www.governor.ny.gov
 নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
 গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
 টেক্সট পাঠান

[আনসাবস্কাইব করুন](#)